

Forza Femenino Grace a organisa un seminario na Surfside Marina

E tabata dedica na e inolvidabel Grace Heronimo Bareño



ORANJESTAD - Diabierna anochi Forza Femenino Grace a tene un seminario durante cual a trese diferente discurso padilanti.

Diferente oradornan a duna nan vision encuan to hende muher en general, hende muher den politica. A dedica e seminario na un gran politico femenino, e inolvidabel Grace Heronimo Bareño. Esaki den cuadro di e di diez aniversario di su fayecimento. Grace tabata un ser femenino para fuerte den su zapatonan, un gran hende muher cu a logra hopi den mundo politico y pa su pueblo. Un politico di taya cu a representa su pueblo den diferente cargo. Ela lucha schouder cu schouder cu lider di Mep, sr. Nelson Oduber y libertador Betico Croes q.e.p.d. pa logra anhelo grandi di Aruba, nos Status Aparte cu awe ainda nos ta lucha pa conserve.

Durante e anochi tambe forza femenino a presenta nan logo y a reconoce diferente personan importante representacion di sernan femenino. A invita famia di Grace pa asina duna diferent reconocimiento na esnan cu a y ta traha duro pa partido. A gradici famianan di Grace invita pa e hecho cu nan por a comparti Grace cu Mep y cu nos pueblo.

Despues cu e moderadora invita, sra. Adeline Rojer a pasa palabra pa apertura dor di sra. Juju Croes-Willems, sra. Enriqueta Loopstok a duna

un bendicion den forma di un invocacion pa enfoca ariba e parti spiritual di tur loke forza femenino ta haci y a gradici Grace q.e.p.d. y su famianan. Drs. Mervin Wyatt-Ras a elabora encuan to Grace como ehempel pa tur hende muher den politica y tocante diferente leynan cu a ser pasa den parlamento den bienestar di mucha muher y hende muher adulto, manera e cambio di ley pa delitonan moral, e ley di Stalking, cambio di ley di prolongacion di verlof di embarazo y parto. Tur esaki na encargo di fraccion di MEP. Sra. Zulay van Poppel-Marquez a refleha encuan to tur e hende muhernan den politica, sra. Ingela Heronimo-Lacle a trese su vision encuan to hoben den politica y su role-model nan. Un hoben Thalina Willems na un forma hopi bunita a declama un poesia cu a ricibi hopi acohida.

E orador special di e anochi, sra. Belquis Moreu, a duna un inspiracion positivo na tur dama presente. Su mensahe ta cu damanan no tin cu imita hende homber. Sea bo mes cu bo Gracia y keda positivo na tur momento.

Despues di e discursonan a bai over na e parti di reconoce diferente dama cu semper a traha duro pa asina yuda cu tur evento cu ta ser organisa y haci pa partido MEP, e weso di lomba di partido.

Locual a resalta e anochi ta cu den partido MEP hende

muhernan ta ocupa puestona importante. Pues aunke cu no tin hopi hende muher cu ta den arena politico, esnan den partido MEP ta ocupa puestona clave, manera p.e. sra. Drs Marisol Lopez Tromp, ministro, Sra. Zulay van Poppel-Marquez vice-Presidente, sra.drs. Mervin Wyatt-Ras, Presidente di Parlamento. Antes tambe diferene sra. cu tabata Parlamentario, manera sra. Olivia Benschop, sra. Judith Bregitha, sra. Gereladine Blom-Ras y sra. Maybeline Arends-Croes. Tambe sra.

Ella Tromp Yarzagaray antes ministro di diferente cartera, awor gobernador interino. Tambe esnan cu tabata riba lista cu tabata presente sra. Glenda Croes, semper activo y cla pa yuda y sra. Morgan Arrindel, cu a drenta partido hopi jong y tabata ariba lista. Takeda importante pareconoce merito di tur e damanan fuerte aki. Esta e forza di MEP. Banda di e hende muhernan ariba lista tin e hende muhernan balente cu semper ta para kla pa yuda ora di actividadnan y ta carga partido. Nan funcion ta sumamente importante. Na

diferente di nan a ser ofresi un dedicacion.

Forza femenino na final a gradici tur presente en especial tambe famia di Grace cu a ser invita pa ta presente pa nan haya aprecio di Forza Femenino pa tur locual difunto Grace a haci pa Aruba y nos hende muhernan.

Forza femenino ta gradici tur esnan cu di un of otro forma a yuda cu organisacion y cu tabata presente na e evento bunita aki. Tambe ta felicita tur esnan cu a ricibi un homenahe for di partido MEP.